

Inuussutissanik nersutillu nappaataannik inunnut tunillaassorsinnaasunik nakkutilliineq pillugu Inatsisartut peqqussutaata allanngortinneqarneranik Inatsisartut peqqussutaat (Uumassusilinnut tappiorannartunut tunngatillugu pitsaassutsimik nakkutilliineq)

§ 1.

Inuussutissanik nersutillu nappaataannik inunnut tunillaassorsinnaasunik nakkutilliineq pillugu Inatsisartut peqqussutaat nr. 17, 28. oktober 1993-imeersumi Inatsisartut peqqussutaat nr. 7, 2. maj 1996-imeersukkut allanngortinneqartumi makku allannguutigittinneqassapput.

1. § 1, *imm. 1*, ima oqaasertalerneqassaaq:

" Inatsisartut peqqussutaanni ilaatinneqarput inuussutissat, nersutit nappaataat inunnut tunillaassorsinnaasut, taamatuttaaq perlerorneq trikinillu, imermik imerneqartartumik imermillu nalunnermut atorineqartartumik tamanut atorineqarsinnaatitaasumik uumassusilinnut tappiorannartunut tunngatillugu pitsaassusissaq kiisalu imermik suliarinniffusartunik imeqarfinnillu teknikikkut eqqiluisaarnissakkullu aqqissuussisarneq pillugit misissuisarneq, akuersissuteqartarneq+ nakkutilliinerlu."

2. Kapitali 2-mi § 3-p kingornanut ikkunneqassaaq:

"§ 3a. Erngup imerneqartartup aamma erngup nalunnermut atorineqartartup tamanut atorineqarsinnaatitaasup uumassusilinnut tappiorannartunut tunngatillugu pitsaassusissaa pillugu Naalakkersuisut malittarisassanik aalajangersaasinnaapput."

3. § 4-p kingornanut ikkunneqassaaq:

"§ 4a. Uumassusilinnut tappiorannartunut tunngatillugu erngup pitsaassusissaaanik § 3a naapertorlugu aalajangersarneqartumik nakkutilliineq pillugu Naalakkersuisut malittarisassanik aalajangersaasinnaapput."

4. Kapitali 4-imi § 9-p kingornanut ikkunneqassaaq:

"§ 9a. Pitsaassusissamut piumasaqaatinik § 3 a naapertorlugu aalajangersarneqartunik qaangiismanernik paasisaqartoqartillugu iliuusissat pillugit Naalakkersuisut maleruagassanik aalajangersaassapput."

5. Kapitali 5-imi § 11-p kingornanut ikkunneqassaaq:

"§ 11 a. Imermik suliarinnittarfiit imeqarfillu kiisalu naluttarfiit tamanit atorineqarsinnaasut inersuillu naluttarfiit atorineqalersinnagit naalakkersuisunit akuersissutigineqartassapput."

6. § 15, *imm. 2* ima oqaasertalerneqassaaq:

"Imm. 2. Malittarisassani Inatsisartut peqqussutaat manna naapertorlugu atuutilersinneqartuni

malittarisassani aalajangersakkanik unioqqutitsinernut akiliisitsisoqartarnissaa
arsaarinnittoqartarnissaalu pillugit maleruagassanik aalajangersaasoqarsinnaavoq."

§ 2.

Inatsisartut peqqussutaat ulloq 1. juli 2001-imi atuutilerpoq.

Namminersornerullutik Oqartussat, ulloq 31. maj 2001

Jonathan Motzfeldt

/

Alfred Jakobsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut